

Syllabus za kurs Italijanskog jezik na temeljnom nivou – A2.2 nivo

Podaci o predavaču

Ime i prezime: Matej Vrebac

E-mail adresa: vrebacmatej@gmail.com

Biografija predavača:

Matej Vrebac je završio osnove i master studije italijanskog jezika i književnost i komparativne književnosti na Filozofskom fakultetu Univerziteta u Sarajevu kao dobitnik zlatne značke. Studirao je na univerzitetima Ca' Foscari u Veneciji i Alma Mater Studiorum u Bolonju kroz Erasmus+ programe. Ima višegodišnje iskustvo u podučavanju italijanskog jezika i kulture, prvenstveno kroz prethodno iskustvo profesora italijanskog jezika u Drugoj gimnaziji u Sarajevu.

Preveo je na i s italijanskog nekoliko knjiga i publikacija, pjesama te usmeno prevodio na raznim mjestima i prilikama. Matej se bavi komunikacijama i književnošću, piše književne kritike i osvrte, moderira promocije knjiga te ponekad grafički priprema knjige za štampu i promotivne materijale za njih. Trenutno je student europskog regionalnog mastera ljudskih prava i demokratije na programu Univerziteta u Sarajevu i Univerziteta u Bolonji. Ima mačku Mrmuljicu i dosta različitih interesovanja.

Linkedin profil: <https://www.linkedin.com/in/matej-vrebac-creativemind/>

Opće informacije o kursu:

Kurs A2.2 namijenjen je polaznicima koji su završili nivo A2.1 ili već posjeduju stabilno osnovno znanje italijanskog jezika i žele ga dodatno unaprijediti. Ako se već snalazite u svakodnevnim situacijama, možete govoriti o prošlim događajima i izražavati jednostavne planove, ovaj kurs pomoći će vam da govorite sigurnije, preciznije i prirodnije.

Na ovom nivou fokus se stavlja na razvijanje narativnih vještina, povezivanje različitih glagolskih vremena i izražavanje mišljenja, planova i poređenja. Kurs je namijenjen svima koji, pored jezika, žele produbiti i svoje razumijevanje savremene italijanske kulture i društva.

Školske klupe i dalje mijenjamo za italijansku atmosferu – jer jezik učimo da bismo komunicirali, razumjeli i doživjeli kulturu.

Opis kursa:

Kurs italijanskog jezika A2.2 predstavlja nastavak rada na proširivanju vokabulara i usvajanju složenijih gramatičkih struktura. Poseban fokus stavlja se na razlikovanje i kombiniranje

prošlih vremena (imperfetto i passato prossimo), upotrebu futura, davanje savjeta kroz imperativ te izražavanje mišljenja kroz komparative i superlative.

Na svakom času obrađivat će se nova didaktička cjelina kroz interaktivne aktivnosti koje uključuju konverzaciju, slušanje, čitanje i pisanje. Polaznici/ce će učiti kako:

- opisati situacije i navike u prošlosti,
- ispričati događaj i strukturirati narativ,
- govoriti o planovima i budućim projektima,
- davati savjete i preporuke,
- upoređivati osobe, mjesta i stvari te izražavati svoje mišljenje.

Kroz teme poput zdravlja, obrazovanja, državnih službi, studiranja u Italiji, sporta, filma i muzike, kurs integriše jezik i kulturu, omogućavajući polaznicima da razvijaju komunikacijske vještine u realnim situacijama.

Kurs je koncipiran tako da podstiče aktivnu upotrebu jezika i kontinuiranu interakciju, čime se povećava tečnost, sigurnost i spontanost u govoru.

Nastavu je moguće organizirati i online i offline.

Očekivanja i ciljevi:

Po završetku kursa polaznici će moći:

- Razumjeti i koristiti prošla vremena u govoru i pisanju (passato prossimo).
- Bolje razumjeti italijanske tekstove i govorni jezik na A2 nivou.
- Samopouzdanost razgovarati o svakodnevnim temama – poslu, hobijima, putovanjima, zdravlju, hrani.
- Dati i razumjeti jednostavne upute, savjete i preporuke.
- Izraziti svoje želje, planove i hipoteze koristeći odgovarajuće gramatičke konstrukcije.
- Proširiti vokabular i koristiti idiomatske izraze u svakodnevnim situacijama.

Cilj ovog kursa je također prenijeti entuzijazam koji će potaknuti polaznike da nastave učiti ovaj jezik, bilo samostalno ili na kursu.

Materijali/oprema neophodna za kurs:

Neophodni materijali/oprema: Spazio Italia 2 (polaznici će dobiti PDF verziju knjige na početku kursa)

Poželjni materijali/oprema: sveska i olovka.

Trajanje kursa:

6 sedmica

Broj sati/časova:

Kurs traje 24 školska časa.

Raspored tema:

Sedmica 1	Unità 1 – Ti senti bene? Pričati o zdravlju, fizičkom stanju, vokabular vezan uz dijelova tijela. Imperativ pravilnih i nekih nepravilnih glagola. Kultura: sport i Italijani/ke.
Sedmica 2	Unità 2 – Ti ricordi com'era? Opisati ljude u prošlosti, razgovarati o događajima i navikama u prošlosti. Tvorba i korištenje imperfekta. Kultura: osnovna i srednja škola u Italiji.
Sedmica 3	Unità 3 – Che cosa è successo? Razgovarati telefonski, Slaganje dva vremena: <i>imperfetto</i> i <i>passato prossimo</i> . Kultura: upoznavanje s osnovnim državnim služama poput policije i <i>carabinieri</i> , vatrogasaca i hitne pomoći u Italiji.
Sedmica 4	Unità 4 – Che progetti hai? Razgovarati o događajima u budućnosti, komunicirati planove i želje. Tvorba i korištenje futura, pravilni i nepravilni oblici glagola. Kultura: studiranje u Italiji.
Sedmica 5	Unità 5 – È molto interessante Pričati o knjigama, filmovima i muzici. <i>Il comparativo di maggioranza, di minoranza e di uguaglianza. Il superlativo relativo e assoluto.</i>
Sedmica 6	Ponavljanje i autoevaluacija

